

金錄大齋備職說戒儀

侍職立師寶前啓白

建齋行道成儀肅列於三元分任設官俯仰
章符於四極諸天臨軒而校錄眾真待座以
監臨職守攸司步趨宜謹況玉律備監攝之
命而金科垂銓舉之文宜聲厥誠登瑤壇而
恭事各典所署敷瓊笈以宣揚選授毋輕鑒
觀有翼

先補一人為高功其職也道德內充威儀

外備天人歸向鬼神具瞻躡景飛晨承顏

宣德惠周三界禮越東官今請某充直壇

簡授之號
受簡三拜

次補一人為都講其職也洞輔該通法度

明練贊唱儀矩領袖班聯玄壇步趨升座

講說昭符國命默契天心今以某充直壇

簡授之號
受簡三拜

次補一人為監齋其職也總握憲章典領

科禁糾正壇職振肅朝綱周密察非從容

授簡有嚴有翼毋濫毋隳今以某充直壇

簡授之號
受簡三拜

次補一人為侍經其職也嚴潔几榻整齊
卷軸開函啓奏收積敷陳調和衆音表儀

庶職觀聽允睦幽顯交歡今以某充直壇

簡授之號
受簡三拜

次補一人為侍香其職也精飾鼎彝嚴潔

案席巡行熱炷始終芬芳玄鑒昭彰丹誠

露達毋或中絕有越初忱今以某充直壇

簡授之號
受簡三拜

次補一人為侍燈其職也整辦紅篝精嚴

燈燭高下照徹內外輝華際夜續明衆晨

收斂光明道境輝耀齋壇今以某充直壇

簡授之號
受簡三拜

如上所補皆道參洞輔學貫樞機通曉齋科

非白簡初真之輩練明經法匪貴冠後學之

流惟黜陟之既明宜賢否之勿溷以德相尚

豈云遷就於人情惟道為尊庶獲敬承於朝

命各敦素守共揚玄綱有三官五帝之檢身

有九府四司之臨汝天威揚若壇禁森如毋

自冒於科條庶免逃於憲律一如靈寶玄壇

律今

智慧頌

智慧生戒根 真道戒為主 三寶由是興

高仙所崇授 泛此不死丹 倏歟濟大有

當此說戒時 諸天皆稽首

轉壇高功西面壇東面各伏地

東官等各各首體投地默禮十方各一拜

從北為始禮足周迴十方虔誠受戒

高功說戒

衆官長跪

元始天尊昔以開皇元年七月一日午時於

西那玉國鬱利之山浮羅之嶽長森林中投

太上道君靈寶智慧上品大戒法文是時道

君北向五體投地迴心十方向東而伏天尊

是時告道君曰今當普宣法音開悟一切解

災却禍請福祈安夫修齋行道皆當一心奉

遵十戒專精默念洞思自然勿得雜想擾亂

形神能如是者便當靜聽

下靜

第一戒者心不惡妬毋生陰賊檢口後過想

念如法

第二戒者守仁不殺慈濟羣生慈愛廣救潤及一切

第三戒者守正讓義不姪不盜常行善念損己濟物

第四戒者不欲不色心毋放蕩正潔守慎行

無點污

第五戒者口無惡言言無華綺內外中宜不犯口過

第六戒者斷酒節行調和性氣神不損傷毋犯眾惡

第七戒者不得嫉人勝己爭競功名每事遜讓退身度人

第八戒者不得評論經教毀聖天躬心承教常如對神

第九戒者不得口舌相非評詳四輩謔惡妬忌傷損神氣

第十戒者舉動施為平等一心人和神穆行常使然

已上十戒能持否眾和能持天尊言修奉十戒每合天心常行大慈願為

一切普度危難懺悔專教不得中急寧守善而立不違道而生於是不退可得諸天所護萬神所敬長齋奉戒自得度世天尊言道尊法妙人身亦貴故道關法門遺戒經文以度人身人身既度上與道同宜為精行持齋奉戒夷心靜默志念分明一意歸向專想不二滌蕩六腑過中不味內外清虛每合自然是其齋日拈香啓願應心上徹四司邏十部威神即下履行親聽法音監映爾心如戒行道皆列功諸天禍福立彰道不負人勤行諦受勿使魔言天尊曰建齋行道四天帝王皆駕雲輿綠軒八景玉與侍從真人玉童玉女手把華幡前導鳳歌後從鈞天白鶴獅子蕭歌嘒嘒燒香散花浮空而來瞻禮行道觀聽法音天王下降萬靈朝焉如是則上副宸衷周隆齋福豈可不盡其法也當先授十戒後方行道序雅步靜心閑意坐起卧息不離儀格天真歡悅列言上清可謂得道方寸之間矣

奉戒頌

道為無心宗 一切作福田 立功無定準 本願各由人 虛己應衆生 注心莫不均 大聖崇正教 亦由兩降天 高陵靡不周 常卑故成淵 海為百川王 是能合龍鱗 萬劫保智用 豈但在厥年 奉戒不暫虧 世世善結緣 精思念大乘 會當体道真

歸位 眾官平坐宣禁戒儀

齊法清虛威禁至重同齋學士務契威儀太極法師具存禁戒今當宣演開于未聞監齋糾率眾官面受罰簡有違科禁必罰無停夫修齋之日須令內外寂靜毋使香油缺乏法用有虧道士登壇各齋巾褐版復不得臨時交換彼我有缺勿得牽引非已之服道士登齋起坐皆當白監齋禮法師一拜檀香三拜而去還亦知之若到齋堂履屐不整罰禮二十拜若坐起不序序罰禮五拜若不正坐罰禮五拜若臨行法事與外人交言罰禮二十拜

若翻覆香火罰禮十拜
 若講及世務罰禮十拜
 若言語戲笑罰禮十拜
 若綺言低睡罰禮五拜
 若翻覆燈油罰禮四十拜
 若中榻不整罰禮十拜
 若都講讚唱失儀罰禮二十拜
 若執紼見過不彈私隱罰禮六十拜
 若侍經不整飾高座觸物有缺罰禮十拜
 若侍香香煙中絕罰禮四十拜
 若侍燈燈火中滅罰禮二十拜
 若執事不相檢飭音聲高厲罰禮五十拜
 若聽經倚據不執簡罰禮十拜
 若不往念清虛心想怠倦為眾所覺罰禮三十拜
 若出入齋堂不關白監齋罰禮二十拜
 若垂髮馳步罰禮二十拜
 若讀經茶清請問數句罰禮三十拜
 若唱善聲不齊罰禮二十拜
 若升壇不洗手漱口罰禮二十拜

若坐起揖違失儀罰禮五拜
 若旋行不依次序及逆行罰禮十拜
 若起行來及還坐不禮經罰禮三拜
 若徑去者罰禮二十拜
 若臨燒香突行罰禮十拜
 若供辦觸事有缺罰禮二十拜
 若受闕不啓上罰禮三十拜
 若齋次因起居逃遁不返為眾所糾罰禮一百拜
 若犯威儀彈罰不服者啓告
 三寶退出齋次
 若下座法師眾官法事有虧從一至三依科彈糾從三以上退出齋次執紼不彈與犯同罪
 若上座法師於事有虧從一至三依科彈糾從三以上斷功百日不得又在法座
 凡此禁戒皆玄都上官明科舊格其情慢其愆違建齋之時四天帝王天眞上聖親降齋所瞻禮行道察其行藏觀其誠意若有過失即敕四司五帝詔下三官隨事糾舉加其當

考天尊大聖愍念世愚不欲知其譴責故開糾罰之門使其知過而能改罪亦消焉受罰之者責己甘心恭敬聽命勿得飾非喧競干冒真靈如此則弘整紀綱解銷殃咎落罪名於既往延福祉於將來得不翼其小心虔虔夕惕若親奉大聖躬朝至尊則真靈感通福祥臻集登壇之士勉而戒之

金錄大齋補職說戒儀